

扶貧委員會社會參與專責小組副主席紀文鳳小姐

出席「青年金茶王大賽」啟動禮致辭全文

2014/4/18

高永文局長、黃家和主席、卓鳳婷副主席、黃錦超副主席、各位嘉賓、
各位朋友：

大家好！今日好高興，能夠出席「青年金茶王大賽 2014」嘅啟動禮。首先，我要代表扶貧委員會社會參與專責小組，衷心感謝高永文局長出席今日嘅活動，以及黃家和主席為「築福香港」精心策劃呢項活動。

「青年金茶王」係由香港咖啡紅茶協會主辦，同時亦係「築福香港」四月份「青年月」嘅其中一項主要活動，目的係為基層青年培育一門沖奶茶嘅手藝，協助佢哋日後投身本地餐飲業界，將港式餐飲文化承傳開去。同時，透過呢個活動，我哋亦希望青年人能夠發掘自己嘅興趣、增強自信心，找到合適自己嘅工作機會。

「築福香港」嘅口號係「能夠幫人·你的福氣」，意思就係希望透過民、商、官三方嘅伙伴協作，走入十八區、深入社會不同嘅階層，以創意同埋正能量，去宣揚扶助弱勢、守望相助嘅精神，就好似飲奶茶成為我哋嘅習慣一樣，將「助人」成為我哋日常生活不可缺少嘅一部份。

我喺呢度，再一次代表扶貧委員會社會參與專責小組，感謝香港咖啡紅茶協會，支持同響應「築福香港」嘅活動，我祝願「青年金茶

扶貧委員會社會參與專責小組副主席紀文鳳小姐
出席「青年金茶王大賽」啟動禮致辭全文

2014/4/18

王大賽」圓滿成功！多謝大家！